

佛說菩薩瓔珞經

卷四

百七十六
忘四

48524



元祿九年丙子二月日重脩

佛日增輝

皇圖策固

帝階綴昌

轉

山城州天安寺法金剛院置

法金剛院

菩薩瓔珞經卷第四

姚秦涼州沙門竺佛念譯

音響音品第九

尔時世尊復欲重宣如來神足無量法義便以一偈遍滿十方無量世界尔時如來即說頌曰

有無從空生

彼聲非我有

聲聲各各異

故說尊法教

佛行不可量

非有亦不無

一音演諸法

由此得成佛

尔時世尊說此偈已便見十方諸佛世尊各稱歎說善哉善哉諸佛清淨衆行齊同十方無央數世雄最勝同一音響演說諸法六度



無極一一度中皆有無量諸佛種姓無盡之
法不可思議云何種姓不可思議如十方佛
盡同一響音以一偈義普使十方無量衆生盡
入無盡法門皆同志趣一日一時悉皆成道
復以一音遍滿無量恒沙刹土使彼衆生聞
此音聲自然識縛永得解脫時有菩薩名曰
解釋即從座起執持威儀已捨衆妄曉了諸
法衆智自在逮不起法忍偏露右臂長跪叉
手前白佛言甚奇甚特今聞如來一音一響音
一度之中盡說法典具足衆行亦非羅漢辟
支佛所能逮及今欲所問云何以音響之中
具足如來衆行之法爲彼衆生先得諸法後

聞此音乃得覺悟乎為音聲中出諸法名耶
尔時世尊聞解釋菩薩所問即報曰善哉善
哉族姓子汝今乃問空無形法非是羅漢辟
支所及今當與汝一一分別諦聽諦聽善思
念之如來音響音如空無形故出生諸法不可
思議解釋菩薩白佛言云何世尊如來音響音
如空無形云何復言出生諸法佛告解釋菩
薩曰如來音響音為有形耶答曰無形又問音
響音無形響音從何出答曰四大因緣有識分別
佛復告族姓子如汝所問如來音響音如空無
形云何以無形法出生諸法響音從四大非空
去界乎答曰不然佛復告解釋菩薩云何族

忘四

姓子如來音響本出四大音響滅者復歸何處答曰響音無所歸佛復問曰若有異空出響音乎答曰非然不從異空而出音響佛言亦非異空亦非此空將非如來於汝有欲解釋菩薩白佛言世尊自稱如來音響如空無形使能出生諸法審知此法由如來響音乃出生諸法云何復言於虛空界復出生諸法如人於冥求明甚為難得今我懷疑甚倍於彼佛復告解釋菩薩曰云何族姓子今此諸法名生云何而有為從空耶不從空耶答曰今諸法之法性自本空空性亦空空空自空豈有諸去乎佛言如是如是汝所^如言如來諸法如

空無形四大音響音出於四大如來音響音及虛
空界豈不異乎答曰不然如我所問如來音
響音出本四大便出生一切諸法此則不疑云
何虛空復言出生諸法乎佛言止族止姓子
今發汝問者皆是如來威神云何族姓子如
來音響音有耶答曰無也云何族姓子如來音
響無耶答曰如如佛復問如來音響音非有非
無當何名此法乎答曰此法當稱曰空佛言
空自無形亦非此亦非彼亦無中間云何得
稱爲空解釋菩薩白佛言如來廣長舌自說
空性非有非無亦無若干如我所觀本無此
空況我當復立空名号乎佛言族姓子空

有非無亦無中間。如我今日如來至。真等正覺十号具足。亦非有非無亦無中間。所說諸法亦復如是。何以謗如來言稱空名号。出於如來。尔時世尊欲解諸會心中所疑。便告四部衆如來一音。便能出生一切諸法。說此非虛非不有。是但爲衆生生計。著想故。處迷惑永在四流。如來神智不可思議。如佛識所念。以無量行本。悉能識知一切衆生所應果報。亦非羅漢辟支佛境界。是故如來一音盡能出生一切諸法。尔時解釋菩薩復白佛言。世尊甚奇甚特。衆生境界不可思議。或有邪誓。趣於大乘。或發羅漢辟支佛心。或樂空定。真

相無願復有樂在天心受福如此等類不可
思議彼衆生彼彼心識所念不同行亦非一
云何以一音出生諸法盡能周遍一切衆生
尔時世尊告解釋菩薩曰如來神智無形不
可覩見有智名曰速疾自在盡能遍知衆生
心識有深有淺智能分別時解釋菩薩復白
佛言衆生神識非有非無或計有常或計無
常云何以捷疾自在智盡能出生一切智乎
佛告解釋菩薩今當與汝引喻智者以喻自
解云何族姓子如日天子受四大身十二由
延內宮牆壁去外牆七由延其間光照倍
明無量第二宮牆去第三宮牆復去七由延

光明轉減乃至第七各相去七由延光明所
照各各不如最第七牆外復有衛護牆相去
二由延光明轉復不如在內第一宮牆名曰
如意隨珠所作其間熱如無根本火也第二
牆名曰隨炎珠所造其熱如黑繩火也第三
牆名曰炎光影其熱如炎火也第四牆名曰
勇炎珠其熱如灰沸火也第五牆名曰極炎
陰其熱如銅葉火也第六牆名曰琉璃其熱
如紅蓮華火也第七牆名曰水精其熱如青
蓮華火也云何族姓子此日天子一日一夜
^後赤白若高若下城郭丘聚姓字名号悉能目
^前周遍四域行極速疾其光明照四天下青黃

見一一分別云何族姓子衆生無量形品不
同云何日天子光明悉能照彼盡同一色爲
從日光中出無量光照無量形爲從一光照
無量形尔時解釋菩薩前白佛言如我所問
如來一音出生無量諸法此之音聲出於四
大當來過去今現在所出言教我則不疑今
日光明性三四分五自尔云何五以言教同耶佛告族
姓子如來四大所出音響悉各有教盡能出
生一切諸法諸佛世尊當說法時亦不念言
說是置是心寂然滅不念若于猶日天子一
光所照普遍諸域亦不有念我有所照其蒙
光者各知所趣是謂解釋菩薩如來捷疾自

在之智多有所益。遍知十方有形之識。化而度之。今時解釋菩薩復白佛言。如來所出音響。有明無明。有闇無闇。皆能進趣。成於道教。日光所照。多有所傷。樂闇者多。何得以此爲喻。耶佛告族姓子。如人遊空。意迷難悟。汝今如是未解。吾譬言吾今所說。如來音響出於四

大盡能出生一切諸法。日光天子光悉能遍照一切有形一者能出生諸法。二者能遍照有形。有何差別。而懷狐疑。今時解釋菩薩深自思惟。豁然大悟。復重白佛言。善哉世尊。言來至真等正覺。以無形法以形教授。以無如教法以言教授。今重所啓。唯願如來以時發

遣使無狐疑佛言善哉善哉族姓子如來當
以知方便使而發遣之云何世尊有常神通無
常神通自識宿命神通識他宿命神通眼識
神通耳識神通此六法義有何差別尔時世
尊告解釋菩薩如是如是如汝所問此六神
通各各不異今當與汝說菩薩摩訶薩得有
常通盡觀萬物生生不絕忘四前生後生
是後生若經一劫至百千劫劫起則起劫滅
則滅觀見此識亦不腐敗何以故無明根深
不可得敗復次無常通者亦復觀見一切衆
生有形之類有生者滅者從一劫乃至百千
劫劫起則起劫滅則滅知彼受形悉歸磨滅

而不常存是謂菩薩摩訶薩有常通無常通
各各差別佛復告解釋菩薩曰於是族姓子
若菩薩摩訶薩若獲自識通者便能自見一
身二身至百千身從劫至劫其中經歷盡能
自識我生某國某縣姓字如是種姓如是復
自識知初受四大受形若干悉能分別善惡
之行是謂自識通也佛復告族姓子菩薩摩
訶薩得他人神通智者從此欲色界乃至有
想無想天盡能分別一一所趣從一歲至百
千萬歲從一劫至百千萬劫其中成敗所經
歷處盡能分別悉皆識知是謂菩薩摩訶薩
知他人神通佛復告族姓子菩薩摩訶薩得

眼識通觀三千大千世界知受形者不受形者悉能見有形從一歲至百千萬歲從一劫至百千萬劫皆悉觀見而不錯亂是謂菩薩摩訶薩具眼神通而無所著佛後告族姓子菩薩摩訶薩得耳識通悉聞十方衆生有苦樂聲者無苦樂聲者聞受善惡報聲者不受善惡報聲者皆悉聞知而不錯亂是謂菩薩摩訶薩具身識神通而無所著諸本闕是謂六法各各差別七時解釋菩薩白佛言世尊有常通菩薩得此通者盡知有形質者生生不絕無常通者菩薩得此通者盡知有形質者生生而滅如今觀見前生非後生云何稱

言生生不絕。復次如來以得自識通盡識宿
命一身二身至百千身一劫二劫至百千萬
劫。今身非後身。此身異前身。今識非後識。此
識異後識。識離此識則同衆生云。何世尊言
稱自識宿命通。又世尊言菩薩摩訶薩得知
他人心通者。盡知一切衆生心識所知。自識
心通亦知已心。他心知他人心通亦知已心。
他心此二神通有何差別。如世尊言菩薩摩
訶薩得眼通者。觀見十方。從欲界上至有想
無想天。皆悉觀見。有受形不受形者。有受善
惡報不受善惡報者。復言得耳通菩薩。悉聞
十方有苦樂聲。無苦樂聲者。聞受善惡報不

受善惡報者眼通亦見耳識亦聞此二有何
差別唯願世尊重演分別使我等永無狐疑
佛告解釋菩薩曰菩薩摩訶薩得有常通覺
了諸法知住法性不變菩薩摩訶薩得無常
通覺了諸法皆有變易是謂無常通復次諸
法體性自尔有佛無佛亦無生滅是謂有常
通復次諸法無常通者悉歸磨滅亦不久存
生生不住是謂無常通復次菩薩摩訶薩得
有常通使爲具足如來諸法四意止四意斷
四神足五根五力七覺意八賢聖道是謂有
常通復次諸法當來過去現在善法惡法悉
無所有是謂無常通復次菩薩摩訶薩復觀

忘四

八

衆生發三乘道應得羅漢求師覺悟果如所
願必然不疑復見衆生發緣覺心獨處曠野
如其所果必然不疑復見衆生發菩薩心如
其所願必然不疑是謂菩薩摩訶薩有常神
通若有善男子善女人初求羅漢辟支佛道
及行菩薩道於中退轉在凡夫地不成就者
是謂無常神通復次若有菩薩摩訶薩已得
自識宿命通自知無數宿命初發道意建立
功德承事供養諸佛世尊定獲道果復自憶
識未受四大猗空不著色是乃名曰自識宿
命或有菩薩得知他人神通彼彼受身彼彼
受形然不能知本所從來是謂世俗他心智

復有善男子善女人既得神通。知他人心智。盡能具足。內外神通。是謂自識神通。知他人心智。各各有別。若有善男子善女人。已護眼通。內外清淨。盡見三世衆生根原。或有菩薩以天眼見。一千刹土。或有菩薩見二千刹土。或有菩薩見三千大千刹土。或有菩薩以天眼見一佛國。見二國土。忘四見三國土。九於中悉知。有退轉者。不退轉者。是謂菩薩摩訶薩。得天眼通。悉知諸界。而無所有。佛復告族姓子。若有菩薩摩訶薩。已得耳通。盡聞十方諸刹音。響。有善音。無善音。有好音。無好音。復有善男子善女人。聞一千二千三千刹土。或有菩薩

聞一佛國土二佛國土三佛國土乃至無數
佛國音響音介時佛告解釋菩薩曰於六事法
便得具足各有差別介時解釋菩薩白佛言
世尊如來大慈說無量辯一一分別衆生牢
固說六神通不可思議非是羅漢辟支佛所
能及知如世尊言演說六通無著法行猶懷
狐疑如世尊言有常神通說泥洹法無常神
通說有爲法若善男子善女人得有爲神
通便爲身意即滅度乎佛言不然解釋菩薩
言一切諸法無生無滅今日如來身識即滅
度乎何以復有言教耶世尊告曰非不說有
常泥洹亦不說無常神通但我神通知有知

無故說之耳。今時世尊復告族姓子。若有善男子。女人。得有常神通者。便名爲如來至真等。正覺得無常神通者。此人或在聖地。或在凡夫地。是謂二事。各有差別。今時解釋菩薩白佛言。世尊。如來至真等。正覺已得眼識神通。盡能了見過去。當來。現在三世衆生。乃名曰神通。復言耳。聽過去。當來。現在無數世聲。若言眼見過去。色耶。過去已滅。未來色耶。未有形兆。眼識現在法界。則我不疑。唯願世尊便無聞衆生。永得開悟。今時世尊告解釋菩薩曰。諦聽。諦聽。善思念之。吾當與汝分別其義。云何族姓子。如有衆生。已得天眼。遍觀一

切有形色相盡能分別亦無疑惑憶過去色
忽然在前盡皆了之無有障礙耳識神通亦
復如是念亦在前耳無所障悉皆了之解釋
菩薩復白佛言如今所聞倍生狐疑云何眼
通耳通見過去事聞過去聲如我現在自識
宿命便能自知宿命事如我耳識現在知現

四字後

或有眼通得知過去未來佛告解釋菩薩曰

四字前

在事云何眼定識或有眼通非眼定識或有

耳通耳定識或有耳通非耳定識若菩薩摩

訶薩得眼識定通耳識定通便能見此從初

受形至今後身若大若小其間分別不失定

意通菩薩摩訶薩亦復如是入此定意者觀

一佛境界復壞此界觀無數刹土於中變現
成就五陰不成就五陰或現火五陰或現地
五陰或現水五陰或現四天下五陰或現寶
山五陰或現須彌山五陰或現鐵圍山五陰
或現大鐵圍山五陰或現人世城郭村聚五
陰遊戲浴池所居處五陰或現諸天所居宮
殿五陰或現龍宮五陰或現八部鬼神五陰
或現欲界衆生形或現色界衆生形
或現無色界作無色形或現小世界作小世
界形或現千世界二千世界乃至三千大千
世界或現衆生受果報不受果報一時一日
一月一歲成劫敗劫清濁好醜善趣惡趣諸

佛出世菩薩翼從盡能分別是謂定眼識通
定耳識通得諸如來神識感動到十方佛國
養事供養諸佛世尊復見諸菩薩興致供養
衣被飯食牀褥卧具病瘦醫藥復見佛國清
淨者不清淨者復見衆生修梵行者不修梵
行者見五趣衆生受行不同所修各異是謂
菩薩摩訶薩得定眼識通得定耳識通盡觀
過去當來今現在事而無所失復次菩薩摩
訶薩得眼識通權現無數衆生境界不可思
議便能變化種種珍寶諸有衆生往取珍寶
者悉施與之皆令充足或復示現諸佛國土
爲行清淨皆以畢故更不造新是謂菩薩摩

訶薩得定識眼通得定識耳通盡能具足一
切衆行。尔時解釋菩薩白佛言。世尊得定眼
識通得定耳識通。是等善男子善女人。爲在
何地。爲供養諸佛。幾時佛言。是善男子善女
人。奉持修習定眼識通。定耳識通。已供養過
去恒沙諸佛。已得揔持不退轉行。諸根已具
相好成就。父母端正。種姓成就。復有菩薩。雖
得供養諸佛。世尊從一佛國。至一佛國承事。
禮敬諸佛。世尊然未得眼識通。耳識通。或有
菩薩摩訶薩。雖得眼通。未能具足衆行之本。
以神足力。遊至十方無量世界。承事供養諸
佛。世尊。或有菩薩摩訶薩。雖得眼通。耳通。未

得定識者不能悉知衆生所念不能淨佛國
土教化衆生或有菩薩摩訶薩六通清徹內
外無礙不能具足四法門行或有菩薩在一
佛刹周旋教化無所染著未能備悉衆生根
原或有菩薩自淨其刹無姪怒癡衆生生其
國土雖生其國土不盡苦本或有菩薩發弘
誓心若我滅後在已刹土生者使我國人無
三乘之名此菩薩等不得定眼識通定耳識
通復有菩薩發弘誓心我本誓願求無上正
真道使我國人盡同一行國土清淨同一形
像如彼所願已得不礙如此等菩薩猶未得
定眼識通定耳識通復有菩薩發大弘誓心

如我後成佛時諸有衆生在我國者一日成
道盡取滅度如此等菩薩摩訶薩猶未得定
眼識通定耳識通復有菩薩發弘誓心若我
後作佛時使我國土一切衆生同日成佛如
此等菩薩便得定眼識通定耳識通今時解
釋菩薩白佛言世尊頗有菩薩摩訶薩發弘
誓心忘四若我成佛時一切衆生十三皆得一時成佛
不乎佛言有過去無數阿僧祇劫有佛名号
住無住如來至真等正覺明行成爲善逝世
間解無上士道法御天人師号佛世尊國土
名法妙人壽三萬歲今時住無住如來壽十
萬歲發弘誓心使已國衆生同日同時盡成

佛道即於彼日盡取滅度。今時解釋菩薩復
白佛言。頗有如來至真等正覺發弘誓心。若
我後作佛時。使我十方世界虛空神識盡得
佛道。不耶。佛言。不也。何以故。衆生境界不可
思議。虛空邊際。無有崖底。過去滅盡不可稱
量。將來生者亦無有限。佛復告族姓子。此賢
劫前過去無數阿僧祇劫。過此數已。復過無
數阿僧祇劫。有佛名平等如來。至真等正覺。
明行成爲善逝。世間解無上士。道法御天人。
師号佛世尊。出現於世。人壽千歲。國土清淨。
一日之中。現十方無數盡虛空界有形之類。
盡同一日。皆成無上正真之道。即於一日盡。

取般泥洹。尔時解釋菩薩。復白佛言。平等如
來。至真等正覺。既成佛已。復使一切衆生。十
方無量世界。虛空無邊際。衆生盡。同一日。皆
成佛道。云何。今日復有。如來及我等耶。一切
衆生乎。云何。復有。天道。畜生。餓鬼。地獄。
道乎。佛告。解釋菩薩。曰。止。止。族姓子。吾先已
說得人身者。不說餘道也。尔時解釋菩薩。復
白佛言。世尊。頗有菩薩。摩訶薩。發弘誓心。一
日之中。使五趣衆生。同已。同日成佛。不乎。答
曰。無也。何以故。衆生性行志趣。不同。豈當以
餓鬼。畜生地獄。形成佛耶。此事不然。何以故。
終不以非身。得成人中。尊權。化示現。可假遍。

濟佛復告解釋菩薩曰過去無數諸佛過去
本發弘誓心令一切衆生有形之類及虛空
界悉令成佛盡般泥洹然彼如來至真等正
覺即於其日先化三趣衆生拔其苦本盡復
人身得人道已諸根具足六情完具然後一
日之中同成佛道衆相具足如我今日如來
至真等正覺神智自在辯才無礙悉取滅度
介時解釋菩薩白佛言弘誓菩薩教化衆生
其中苦行經無量劫何以故不即於三趣衆
生悉令得佛道乎佛言不可得成道云何族
姓子此三趣道非三善道云何欲於中得成
佛道乎此事不然猶如有人欲求七寶捨七

寶積反從空求此人能獲不乎答曰不也世
尊佛言如是如是族姓子欲使三趣衆生成
佛道者此事不然

菩薩瓔珞因緣品第十

佛告族姓子若有善男子善女人受持諷誦
定眼識定耳識者便獲十功德云何為十於

忘四

十五

是菩薩摩訶薩以無等心獲虛空像不以言
教教化衆生淨佛國土善男子善女人自知
無數形識本末知其虛寂悉無所有起無生
法忍復次族姓子若有菩薩摩訶薩當坐道
場便能具足法界清淨但為如來一相無形
或有菩薩得一法印演說無量如來法教非

從師受自然然而覺復次族姓子行一法本廣大無底以無相法生諸法本云何無相生有相佛言如外有色有青有白有赤有黑有黃解釋菩薩言如來所說神在虛空非過去當來現在亦無有五陰名云何言青黃赤白黑此因緣法不可思議由衆生自起緣想有行則有識由識生癡則成人身解釋菩薩白佛言如世尊言虛空無形由四大色地水火風而有色今問如來云何名曰地水火風青黃白黑如世尊言如青黃白黑空識在空中何以不說青黃赤白中青黃赤白盡非空耶答曰不然何以故各各自空空性不知有性有

性不知無性猶如菩薩摩訶薩一念之頃知
無量恒沙刹土諸佛世界成劫敗劫一一知
之了知其中而無他想諸法因緣自生自滅
本我因空生生不滅復觀無量阿僧祇刹土
觀見諸菩薩受慧莊嚴刹土淨衆生種因彼
佛國演布道教阿僧祇諸佛如來盡知所出

忘四

之虛一一分別亦無我想復於諸佛如來至
真等正覺聞深法要奉持承受不捨諸法之
本亦時菩薩亦不自見有我無我行菩薩行
不見有行是謂因有起於無想於中不自滅
想身雖生觀亦不自見無所覺知已無所覺
亦無此念起吾我想自校計已便能分別一

切諸法無明緣行行緣識識緣名色名色緣
更樂乃至生老死亦復如是。爾時具行菩薩
復作是念：一切諸法因緣相生，因緣相滅，從
初發意乃至成佛，一一觀了諸法之相緣生，
則生緣滅則滅，無明滅則行滅，行滅則識滅，
識滅則名色滅，名色滅則更樂滅，更樂滅則
愛滅，愛滅則受滅，受滅則有滅，有滅則生滅，
生滅則老病死憂悲苦惱滅。取要言之，五盛
陰衆行之本無倚，不可倚然，知起所從來處，
於彼自省，觀諸法界法慧清淨，不捨辯才，菩
薩摩訶薩思惟分別十二因緣云：何無明緣
行，於是善男子、善女人，由無明本造善惡行。

盡生十二諸不善本漸漸成五盛形是謂無
明緣行。今時過行比丘即從座起偏露右臂
右膝著地。叉手白佛言。如我所學十二因緣
甚深之法。我今當說。無明緣行便生十二行
緣識便生十二識。緣名色便生十二名色。緣
更樂便生十二更樂。緣六入便生十二六入。
緣愛便生十二愛。緣受便生十二受。緣有便
生十二有。緣生老病死憂悲苦惱復生十二
如我所解十二因緣癡滅則行滅。行滅則識
滅。識滅則名色滅。名色滅則更樂滅。更樂滅
則六入滅。六入滅則愛滅。愛滅則受滅。受滅
則有滅。有滅則生老病死憂悲苦惱滅。佛言。

比丘不壞法相猶如幻師住於此地現其幻
法然彼幻法不損此地地亦不損幻法然此
幻師造作此化無有晝夜其有見此幻者悉
皆信解菩薩摩訶薩亦復如是。以神足力分
別十二因緣無佛境界見其剎土本無有世
今現有世復以有佛剎土能現無佛剎土以
無色剎土現有形色不以一壞二不以二壞
一何以故如彼幻法能使一切世界盡如幻
術猶如一切世界隨人所喜盡為幻法幻有
若干非有一法或有幻法名曰無量諸法門
菩薩得此幻法者便能現一切諸法皆如幻
法已得幻法便得幻智而不忘失已得幻智

便得幻行能盡衆苦菩薩摩訶薩已獲幻智
幻行便能於中以幻智盡能分別衆行一一
思惟不失本際如彼幻法不依內地現於外
法亦不依外使諸衆生現有內法菩薩摩訶
薩亦復如是不以空性內外分別言我當越
一切世界亦不以世界在內外空法何以故
虛空性言四不壞法界六法界不壞空性菩薩摩
訶薩於中得虛空性種種觀一切法界亦不
觀法界亦不壞法界不但見此世界有若
于形亦不見衆生善行惡行之報一一分別
究尋其事性空自亦無能使亦觀已復觀分
別三有於中計核十二因緣由癡起眼識有

三行事云何爲三猶如族姓子眼見外色若
善不善盡不分別斯由本識無明行染或復
善男子善女人起身口意行三不善法意漸
自悟咄我本所造由無明本今乃致十二因
緣知從無明不能自改復次善男子善女人
由癡致行衆罪根原由罪而生我今當念寂
靜定意觀此十二因緣爲由癡耶爲從行乎
復自思惟無明澹靜隱匿之法何由能出諸
緣著乎非我身口行造無由得生是謂菩薩
摩訶薩分別三行而無所有菩薩摩訶薩得
空觀定意分別十二因緣緣癡有行便有緣
報癡非本原何由而有行乎身口意法三事

相因乃生諸法所以如來於無數劫分別思
惟十二因緣今得成佛始得信解吾初發意
求菩薩道捨身受身分別十二因緣思惟苦
本末盡其原今我成如來至真等正覺乃得
暢達十二因緣佛復告過行比丘汝今雖在
如來前說十二因緣未能具其原本何以故
本無如來忘四至真等正覺十九住壽經恒沙劫宣說
十二因緣猶不能盡何況汝今欲得盡乎介
時彼比丘在如來前極懷慙愧將我得無失
神足乎即從座起頭面禮世尊足便退而去
菩薩瓔珞經心品第十一

介時座上諸欲天人諸色天人龍鬼神乾沓

愆阿湏倫迦留羅真陀羅摩休勒聞如來至
真等正覺說此甚深之法皆有渴仰欲得見
如來正心定意亦時世尊知衆生心中所念
欲令衆會心定三昧亦時世尊即於座上入
面現定意令諸菩薩摩訶薩皆悉見之去此
十五江河沙數有佛土名曰如幻佛名等心
如來至真等正覺明行成爲善逝世間解無
上士道法御天人師号佛世尊彼國清淨不
倚想著無有餓鬼畜生地獄道所行純厚不
自計我心不趣小亦無聲聞辟支佛音令一
切會皆悉見之亦時世尊從彼定起復入月
盛定意令一切衆生盡見金色悉聞十方諸

佛說無想行云何為無想諸法寂然澹泊無
形諸法不起忍諸恚怒諸法攝心不起外想
諸法定意現已國淨諸法善觀不以劫數為
限諸法樂行永離因愛諸法現明不生癡相
諸法去貪具足施度無極諸法無所犯具足
戒度無極諸法不起恚想具足忍度無極諸
法精進忘四無有懈怠具足進度無極諸法不興
亂意攝心不起常樂於禪具足禪度無極諸
法盡除愚惑無他異念具足智度無極復有
名四意止菩薩摩訶薩所修行法云何為四
意止若有善男子善女人分別內身意止從
頭至足一一分別生不淨觀自觀已身觀他

人身自觀已心觀他人心內外諸法悉譬如
是菩薩摩訶薩復自觀諸法四意斷四神足
五根五力七覺意八賢聖道是謂菩薩摩訶
薩無想行佛復告族姓子菩薩摩訶薩自觀
身已觀他人身一一分別從頭至足起不淨
想是謂菩薩摩訶薩觀內外身悉無所有介
時世尊即說此偈而難頌曰

不猗心意識 分別諸行本 道存無想念

乃應賢聖諦 佛慧無邊崖 不見有合離

成佛由無相 乃應果實行 佛道本無二

亦復無一相 真人慈盡普 示見若干法

本我不造我 染有成五陰 聖諦慧無量

進起自滅意 不有亦不無 生死起染著

滅想自成佛 故号天中天 生值人道難

六根完具難 滅十二緣難 生天受福難

遭遇賢聖難 入定除想難 觀内外身難

面受聖教難 尔時世尊說此偈已座上諸天人
民天龍鬼

神八部之眾皆發無上正真道意復有無數

眾生得不起法忍

菩薩瓔珞經四聖諦品第十二

尔時佛告文殊師利過去無數阿僧祇劫有

佛名大身如來至真等正覺明行成爲善逝

世間解無上士道法御天人師号佛世尊

劫

名空寂正於此處成無上等正覺與四部衆
說微妙法四賢聖諦廣化衆生皆令至無餘
泥洹界而取滅度云何四聖諦一爲無量聖
諦菩薩得此聖諦者一念之中自滅心垢亦
能滅他心垢不見塵垢有盡無盡二名行盡
聖諦菩薩得此聖諦者一念之中盡令衆生
覺了身口意行若善若惡盡趣道門悉令衆
生至無餘泥洹界三名速疾聖諦菩薩得此
聖諦者能使一切衆生彈指之頃盡成佛道
無限無量不可稱數一日成道復令無數阿
僧祇刹土衆生之類各生善心興敬供養諸
佛世尊香華繒絲作倡伎樂阿僧祇諸佛刹

土化作一寶蓋而用供養出過諸天世人
盡持天上自然飲食衣被牀卧具病瘦醫藥
一念之頃悉能成辦四名曰等聖諦菩薩得
此聖諦者能使一切衆生盡同一趣無若干
相於無餘泥洹界而般泥洹猶如炎幻野馬
世界空寂無形不可護持菩薩摩訶薩亦復
如是教化衆生淨佛國土亦不見衆生有得
度者亦復不見受化者非不有衆生非不無
衆生非不有淨衆生非不無淨衆生非不有
濁非不無濁非不有受胎非不無受胎非不
有非不無有非不有生死非不無生死一一
分別悉無所有知十二因緣亦復如是從癡

至十二因緣非有非無猶如野馬世界不可
護持爲近無遠雖化衆生不見有化菩薩摩
訶薩亦復如是觀諸如來至真等正覺不見
有起不見有滅亦不有想亦不無想如來至
真等正覺以無相之法教化衆生淨佛國土
雖有佛無有佛想雖有法無有法想雖有比
丘僧無有比丘僧想是謂文殊師利菩薩摩
訶薩已得無想法者住不退轉而無有礙譬
如有人於夢中或爲國王或爲轉輪聖王覺
已便憶夢中所作亦不忘失菩薩摩訶薩亦
復如是觀諸衆生成如來至真等正覺亦不
見有成相亦不見無成相亦時佛告諸會大

衆亦時大身如來說法清淨無形不可見豈
異人乎莫造斯觀何以故亦時大身如來今
文殊師利是亦時世尊便說此偈

過去無數世 佛号大身尊 於此成正覺

無有邪部行 恒以無相法 分別四聖諦

權現遊世界 現有所資受 佛道不思議

神力不可極 言四 教化衆生類 言三 盡同爲一相

吾今自成佛 三界第一尊 不爲彼所染

不更生老死

亦時世尊說此偈已有無量衆生皆發無上

正真道意

菩薩瓔珞經成道品第卅三

尔時有菩薩名無畏曾供養過去無數諸佛
已得揔持分別三世成敗所趣即從座起偏
露右臂叉手長跪白佛言唯然世尊今聞如
來至真等正覺說四賢聖難有之法未曾所
聞未曾所見若有善男子善女人受持諷誦
四聖諦名者便能與人作良祐福田何以故
世尊此善男子善女人興建弘誓不自爲身
欲於空際濟度衆生皆得至無餘泥洹界而
般泥洹菩薩摩訶薩得此四聖諦者觀了衆
生悉無所有空觀菩薩不自有身亦無衆生
執弘誓之心以空舉空於無數劫積功累德
觀見諸佛出現於世分別諸法無有形貌不

著世利利衰毀譽稱譏苦樂亦知衆生我人
壽命當來過去現在心識一一分別能使成
就今時無畏菩薩復白佛言云何世尊衆生
之類不可稱記非是羅漢辟支所及過去恒
沙無央數佛頗有發意求菩薩道言我久久
當成無上正真之道我能盡虛空際知虛空
際衆生根忘四本已能分別忘四虛空衆生復能分別
識有趣無趣如是等衆生盡令一日之中能
使成道有此不乎今時世尊告無畏菩薩曰
當來過去今現在識非汝境界所能分別今
發汝問者皆佛威神何以故如來至真等正
覺乃能一一宣暢深法佛言族姓子過去識

如汝所問盡知識流轉天上人中四道乃至
八部識所經歷所趣盡能分別無畏菩薩白
佛言如來至真等正覺發弘誓心盡能拔濟
過去當來今現在云何一日之中盡得成佛
耶佛言無畏菩薩所問甚大今當爲汝一一
分別知其所趣所問過去識不於過去中使
過去識令得成佛不於現在中使現在識令
得成佛不於未來中使未來識得至成佛何
以故過去識非過去識未來識非未來識現
在識非現在識無畏菩薩當知過去成佛有
三事行云何爲三有初心有生心有衆生心
云何爲初心無畏菩薩當知本無如來至真

等正覺即於彼而教化之同日同時盡成佛
道是謂初心云何生心所謂生心者已受塵
垢方當滅心除垢云何爲衆生心如有一衆生
從劫至劫乃至百千劫復盡無數生死塵勞
然此菩薩摩訶薩要當滅彼無數塵勞及濟
無數衆生是謂無畏菩薩於過去中成就三
事無畏當知如來至真等正覺於當來世亦
當具三法云何爲三如當來心未受現在是
亦可進復次無畏未來心已經一日便有塵
垢菩薩摩訶薩當滅一日塵垢族姓子當知
未來移轉從一劫至百劫乃至無數阿僧祇
劫如來至真等正覺如此身識及與塵勞是

謂於未來中當具此三法佛復告族姓子如
來至真等正覺於現在中復當具是三法云
何爲三初識現在未染塵勞即令彼識一日
滅度若一若二便生塵勞能滅一二及與塵
勞然彼乃得成佛佛復告族姓子若於現在
從一身至百千身生諸塵勞是謂菩薩摩訶
薩於現在中具足三法佛復告無畏菩薩過
去初心一日度者即是過去普施如來至真
等正覺過去生心蒙得度者即是無等如來
至真等正覺過去衆生心蒙得濟者即是原
本如來至真等正覺未來初心蒙得度者即
是空色如來至真等正覺未來一二蒙得度

者即是空門如來至真等正覺未來無數身
蒙得度者即是定意如來至真等正覺現在
初心得度者即是無身如來至真等正覺現
在一二身得度者即是善星宿如來至真等
正覺現在無數身得度者即是月光如來至
真等正覺云何族姓子汝於九品中何所志
趣為欲從過去初心耶三十四過去生心耶十六過去衆
生心耶為欲從未來初心耶未來一二心耶
未來無數劫心耶為欲從現在初心耶現在
一二心耶現在無數心耶亦時無畏菩薩前
白佛言如我初發心求無上正真道未能自
知為求何道今聞如來說九品行今始欲發

弘誓大心欲度過去。初心未受塵垢者。佛言
止止。族姓子。汝今已墜墮。初心云何欲得於
初心成無上等正覺乎。此則不然。無畏菩薩
白佛言。世尊。今於過去。初心已墜落。願欲求
過去度生心。衆生普同。等慧成無上等正覺。
佛言。汝今已越此境。墜墜下地。未能成辦。拔
濟衆生成無上等正覺。今時無畏菩薩復白
佛言。云何世尊於過去塵勞衆生發弘誓心。
得成無上等正覺。不乎佛言。無也。何以故。過
去無數已滅已盡。非今見身盡。彼塵勞以是
故。不得成無上等正覺。今時無畏菩薩白佛
言。我今於過去三分。永無所得。在上亦不在。

下故不得無上至真等正覺何以故汝本發
弘誓心非彼非此故不得成無畏菩薩白佛
言云何世尊我今欲捨未來一二捨未來塵
勞復可從現在初心得成無上等正覺不乎
佛言不也汝本發意心係有在如來至真等
正覺隨其變化觀見國土應適係有在非汝
本願無畏菩薩忘四白佛言世尊九七於未來中捨一
心二心復於未來中捨塵勞衆生復於現在
捨現在衆生願於現在一心二心衆生使成
無上等正覺不乎佛言無也何以故汝本發
意心係有在非汝本願無畏菩薩白佛言世
尊且捨一心二心復捨未來衆生塵勞復捨

現在初心復捨現在一心二心今欲發願於
現在塵勞衆生爲可得乎佛言不也何以
故已過此境時無畏菩薩白佛言世尊今日
如來於九品中爲在何地佛言吾捨過去三
未來三現在三復可於未來初心成等正覺
使未來初心衆生成等正覺不乎佛言無也
何以故汝身非未來云何欲得成等正覺度
未來衆生此事不然無畏菩薩白佛言世尊
我今墜落未來初心復欲發弘誓願於未來
一二心成等正覺不乎佛言然果汝所願也
何以故汝本無數阿僧祇劫恒發弘誓曠大
之心即於此身當昇上方清淨世界於中成

佛如今汝号無畏如來至真等正覺無畏菩
薩得受前已歡喜踊躍即自面見清淨世界
所化衆生如已無異何以故皆佛威神令彼
悉見尔時無畏菩薩白佛言世尊我今復發
弘誓心供養無數恒沙諸佛願欲度未來塵
勞衆生於中成等正覺可獲不乎佛言不也
汝求道已來心不中際除忘四二在塵勞衆生中
成如來至真等正覺明行成爲善逝世間解
無上士道法御天人師号佛世尊

菩薩瓔珞經生佛品第十四

尔時座上有菩薩摩訶薩各分別說施背於
無量諸佛世尊造衆德本即從座起前白佛

言善哉善哉世尊頗有如來至真等正覺於
過去世未來現在一時一日中知過去三事
未來現在三事得成佛不乎答曰無也何以
故如來至真等正覺隨其變化觀見國土應
適衆生乃有所成耳猶如菩薩摩訶薩不以
國土爲國土不以衆生爲衆生分別法界法
智所生如來神智非世俗智世俗智者從欲
色界至有想無想天乃謂世俗智今日如來
至真等正覺已過此智云何出生諸法成如
來至真等正覺乎此事不然何以故如如來
如如如來如如世界如諸法性如不思議如
未來如於彼世界劫數如如來劫數如一如

不二如諸有如諸法性空如亦不生亦不滅
亦無著斷諸佛世尊所出名号於彼劫數無
限無量不可稱記不見有長亦不見短亦不
見生亦不見滅云何出生諸法無形不可見
未來未起無記不見有記如無形法種種異
名句身亦尔味身亦尔無各各名身無各各
句身無各各味身何以故一切諸法各各虛
空亦不有善亦不有惡亦不有福非不有福
或有行或無行尔時有菩薩名無盡慧得此
性空如如無法即從座起白佛言我今堪任
於如來前說有行無行如空性如如法佛言
善哉善哉族姓子恣汝所說無盡慧菩薩白

佛言若有善男子善女人修習有行無行便能具足一切諸法成等正覺云何有行無行諸法不生不滅無過去當來今現在是謂無行必終諸法分別過去當來今現在是謂菩薩有行無量有名身不見本末無量有句身不見有本末無量味身不見本末是謂菩薩無行若善男子善女人知三世法有生有滅於中分別悉無所有是謂菩薩有行亦時無盡慧復白佛言未究竟法使令究竟未滅盡法使令滅盡是謂菩薩無行若有菩薩摩訶薩於過去當來今現在不見有量不見無量是謂菩薩有行復次善男子善女人初生道

心行無上正真道不以稱譏苦樂利衰毀譽
甘樂其中是謂菩薩無行如三千大千世界
其中衆生一意一心分別三世斷滅之法是
謂菩薩有行復次善男子善女人於無量劫
中行勤苦行欲得聞受如來言教是謂菩薩
無行復次善男子善女人行四等心不以四
等以自稱歎是謂菩薩有行不染不汙無過
去當來今現在是謂菩薩無行若善男子善
女人非義非無義非有成非無成亦不有對
亦不無對是謂菩薩有行或以國土清淨無
所染自不見國土有所成就是謂菩薩無行
若復於諸法不生妄見而無所起以無盡法

能自瓔珞是謂菩薩有行亦不有亦不無是
謂菩薩無行復次善男子善女人觀一刹土
如空無異不以異刹係在一國是謂菩薩有
行復自觀見本有三世諸佛菩薩摩訶薩有
過去當來今現在是謂菩薩無行復次族姓
子若善男子善女人一一分別界非我界世
非我世有非我有是謂菩薩有行復次族姓
子分別三界行無所行不見作亦不見不作
是謂菩薩無行亦時如來問無盡慧菩薩曰
汝住何等法而說此乎無行起於有行有行
起於無行何由而行從如來而自說有行無
行耶無盡慧菩薩復白佛言本從自覺如今

始果唯願世尊敷演宣暢佛言善哉善哉善
男子如汝所言善思念之今日如來當爲汝
敷演其教云何族姓子汝本發意成無上等
正覺爲從有行爲從無行答曰不從有行不
從無行佛言云何族姓子若不從有行不從
無行云何得成等正覺乎答曰有如如如亦
如如是故不從有行三十一不從無行佛言汝本何
以不發此問吾先已說有行無行

菩薩瓔珞經本末品第十五

尔時世尊將欲示現菩薩之行即入本淨三
昧令一切衆生悉見過去未來現在諸法本
末復令衆生見諸佛無量世界諸佛世尊有

成就者不成就者或從一地乃至十地有現
在身行不現在身行令一切衆生一一分別
今時如來無所著等正覺將欲度衆生便笑
從面門出大光明乃照無量恒沙刹土從欲
界上至有想無想天悉見光明於彼光明演
出無量衆生根本云何爲衆生本末於是善
男子善女人修行一法無量智慧便能具足
淨佛國土教化衆生今時世尊告諸會等諸
無著行云何無著行從初發意乃至成佛五
十四法不著空行於是善男子善女人常當
思惟不離須臾云何爲五十四一者分別五
陰起亦知起滅亦知滅然彼五陰有生無生

有聖行無聖行有空觀無空觀若善男子善
女人分別五陰何由而生何由而滅色本無
生如今有生解色非有非無或有色有或有
色無過去當來今現在色亦復如是本無有
色不見本色於過去中不見過去色於未來
中不見未來色於現在中不見現在色過去
色非現在色忘四非未來色忘二非過去色非
現在色現在色非過去色非未來色菩薩摩
訶薩盡能分別一一悉知復次善男子善女
人分別痛法解知痛無所起觀過去痛本無
此痛亦知此痛非有過去過去痛非未來現
在未來痛非過去現在現在痛非過去未來

何以故未來痛本無此痛若善男子善女人
觀現在痛亦非前痛亦非後痛非過去痛非
未來痛痛亦不自知痛然後乃知本淨未淨
若善男子善女人復當思惟過去五陰想法
本無此想過去五陰想不知未來現在想未
來想不知過去現在想現在想不知過去未
來想想無有想若善男子善女人於未來中
分別未來想未來想不自知未來想未來想
不知過去現在想未來過去想不知未來過
去想過去想不知未來現在想若善男子善
女人於現在中分別過去想亦無有過去想
分別未來想亦無有未來想分別現在想亦

無有現在想於現在過去亦無過去想於現在
在未來亦無現在未來想於現在想亦無有
想若善男子善女人復當於過去分別五陰
行何由生復何由滅過去行亦不有行分別
過去行非過去行過去行非未來行非現在
行未來行非過去行非現在行現在行非過
去行非未來行過去未來行非過去未來行
過去現在行非過去現在行何以故行本無
所有亦不有行若善男子善女人於未來中
便當具足於未來行於未來行中不見過去
行不見現在行於未來中不見未來過去行
不見未來現在行亦不見未來現在行何以

言四

三十三

故本無有此行若善男子善女人於現在中
復當分別過去行亦無過去行亦無未來行
亦無現在行於現在行觀現在過去行亦不
見現在過去行於現在觀現在未來行亦不
見現在未來行觀了諸行悉無所有善善男
子善女人於過去中觀過去識亦不見過去
識於未來識亦不見未來識於現在識亦不
見現在識於過去識亦不見過去未來識於
過去中亦不見過去現在識亦不見識若善
男子善女人於未來中不見過去識未來識
於未來中不見未來過去識不見未來現在
識若善男子善女人於現在識不見過去識

不見未來識於現在中不見現在過去識不見現在中未來識是謂善男子善女人分別五陰本末空也

菩薩瓔珞經卷第四

三十四

捷疾

上才

積

子

智反

咄

反丁

骨

匿

尼

力

反

係

計

元祿十六癸未年霜月日終書寫

泉涌西岸悲田社多智叔拜書

